

書信精華

自學輔導

歷代名人手札

上海大方書局印行

青年修養必讀

歷代名人手札

上海大方書局印行



民國三十七年十一月出版

歷代名人手札

全書一冊實價

編選者 李 浩

出版者 大方書局

發行人 李 協 和

經銷處 全國各大書局

上海山東中路中保坊

版 權 所 有 · 翻 印 必 究

總發行所 大方書局

序

縱觀歷史所記，古今名人，雖非盡屬完人，然以其平生事業之綜合，若干處不無可取，以爲後人之借鏡焉。若格言，若體驗之談，固出自名人無數之經驗中也。後學者嘗蒐集此種經驗所得，以爲座右銘，此誠人生修養中之無上寶訓，吉光片羽，自爲珍視。惟在格言以外，尙有名人手札，殊足重視。何則？蓋名人手札，不但含蘊人生經驗於其中，且能裸露作者之鬥爭過程，與其思想之表現，故尤堪供學者之玩味參考，至於具歷史文獻之價值，則無待贅言矣。手札雖屬於個人生活之雪泥鴻爪，其更足珍視之處，斯其至理。

歐西學者，每以獲名人手札爲榮，其出版界中，刊印是類讀物，汗牛充棟。吾國歷朝，亦殊不遜於歐西，如文文山全集，曾文正公家書等等，皆影響於後世至鉅，文學雖異，其學術與歷史之價值固一。今李浩先生有名人手札之編纂，選集當代名人函牘計二百通，事雖小而用心苦

焉。竊近百年以來，社會之動態，國際之變遷，學術之革命，思想之隆發，無一不足以證時代之鉅艱。賢明之輩，在此狂流中，爲國是爲文化，無一不竭其精力。歷史固如流水，一去不可復還矣，但此流水之賬目，後人應予以審核也。李浩先生之蒐集手札用心，豈徒然乎，識者當珍視此吉光片羽，且應懷之若璧，是爲序。

民國三十七年嶺表遊客眠雲居士識。

歷代名人手札目次

獻秦昭王書	(范 雎)	一	與元微之書	(白居易)	一六
告范子輕幣書	(鄭子產)	一	與韓荊州書	(李 白)	一七
論盛孝章書	(孔 融)	二	投句己書	(杜 牧)	一八
爲曹公與孫權書	(阮 瑀)	二	答賁士廖有方論文書	(柳宗元)	一九
答蘇武書	(李 陵)	四	賀進士王參元失火書	(柳宗元)	二〇
爲曹洪與魏文帝書	(陳 琳)	六	與韓愈論史官書	(柳宗元)	二一
誠兄子嚴敦書	(馬 援)	七	與劉禹錫論周易九六說書	(柳宗元)	二二
與王芬書	(魏武帝)	八	弔陳司馬書	(張 說)	二三
與楊德祖書	(曹 植)	八	與褚先生書	(張 說)	二三
與吳季重書	(曹 植)	九	上姚令公書	(張九齡)	二四
答臨淄候書	(楊 修)	一〇	答陳商書	(韓 愈)	二五
遺殷浩書	(王羲之)	一一	答靈壽才書	(韓 愈)	二五
答樂諱書	(沈 約)	一二	上張僕射書	(韓 愈)	二六
與詹事江總書	(陳後主)	一二	與陳給事書	(韓 愈)	二七
登大雷岸與妹書	(鮑 照)	一三	應科目時與人書	(韓 愈)	二八
與李尙書書	(于 邵)	一四	勸韓愈討賊書	(李 愚)	二八
與契苾將軍書	(王 勃)	一四	答林正字書	(徐 鉉)	二九
爲人與蜀城父老書	(王 勃)	一五	上郎餘郎書	(王安石)	二九

歷代名人手札目次

二

答司馬諫議書	(王安石)	三〇	答黃庭堅書	(蘇轍)	五一
與參政王禹玉書	(王安石)	三〇	上宰相書	(劉因)	五二
上杜學士吉開河書	(王安石)	三一	答友人書	(王守仁)	五三
上杜學士書	(王安石)	三一	復攝政睿親王書	(史可法)	五四
答張幾書	(王安石)	三二	答章秀才論詩書	(宋濂)	五六
與王介甫書	(司馬光)	三二	答憲長周友山書	(張居正)	五八
與王介甫第二書	(司馬光)	三七	與沈敬甫書	(歸有光)	五九
與王介甫第三書	(司馬光)	三八	上王都御史書	(歸有光)	五九
與留丞相書	(朱熹)	三九	論禦倭書	(歸有光)	六一
答樞密范給事書	(晏殊)	四〇	上方參政書	(歸有光)	六四
上執政書	(陸游)	四一	寄王太守書	(歸有光)	六五
上歐陽學士第一書	(曾鞏)	四二	與友人荆雪濤書	(于成龍)	六七
上范司諫書	(歐陽修)	四三	上賀庶農先生書	(左宗棠)	六九
與荆南樊秀才書	(歐陽修)	四五	與王子壽書	(左宗棠)	七〇
與高司諫書	(歐陽修)	四六	與周夫人書	(左宗棠)	七一
上韓丞相書	(蘇洵)	四八	與周夫人書	(左宗棠)	七一
上韓舍人書	(蘇洵)	四九	與李希庵書	(左宗棠)	七二
與李方叔書	(蘇軾)	五〇	與劉言潔書	(宋潛虛)	七二
答張文潛書	(蘇軾)	五〇	致朝鮮國王書	(李鴻章)	七三
與錢濟明書	(蘇軾)	五一	致朝鮮國王書	(李鴻章)	七五

論日本圖政臺灣書	(李鴻章)	七六
與姪書	(李鴻章)	七七
稟母親書	(李鴻章)	七七
與文兒書	(李鴻章)	七八
復吳子序編修書	(林則徐)	七九
覆鄭夫人禁止吸煙書	(林則徐)	八一
覆梁芷庭觀察書	(林則徐)	八二
訓三兒拱樞書	(林則徐)	八四
致嚴渭春觀察書	(胡林翼)	八四
致兩司書	(胡林翼)	八六
致保弟楓弟書	(胡林翼)	八七
致族兄君儒書	(胡林翼)	八七
復汪進士輝祖書	(姚 鼐)	八八
答魯賓之書	(姚 鼐)	八九
與門下士書	(徐文駒)	八九
答鍾明府問利弊書	(徐 侃)	九〇
寄桐城張相國書	(陳宏謀)	九二
寄張墨莊書	(陳宏謀)	九三
寄內子論教子書	(紀曉嵐)	九三
訓次兒不宜盛氣凌人書	(紀曉嵐)	九四

寄族姪起凡勸勿爲不道德之事書(紀曉嵐)	九四	
與徐菊人書	(袁世凱)	九四
示大兒書	(袁世凱)	九五
與孫仲容書	(章太炎)	九六
與人論國學書	(章太炎)	九七
與趙南湖書	(許葭村)	九八
復王祁園書	(許葭村)	九九
與王九峯書	(許葭村)	九九
復彭麗生書	(曾國藩)	九九
復胡潤之書	(曾國藩)	一〇〇
致弟勸爲學須虛心書	(曾國藩)	一〇一
致沅弟述己之忍耐並勸弟書	(曾國藩)	一〇一
致沅弟述帶勇及戰爭之道書	(曾國藩)	一〇二
致沅弟論用兵之道書	(曾國藩)	一〇二
上陳時事書	(張履祥)	一〇三
與何商隱論教弟子書	(張履祥)	一〇四
上本縣兵事書	(張履祥)	一〇五
與陸稼書先生書	(張雲章)	一〇七
答施北研書	(張士元)	一〇八
與陸存齋書	(張 度)	一〇九

與陸存齋書	(張度)	一一〇	與孫以甯書	(方苞)	一三〇
致陸存齋書	(張曜)	一一一	與徐貽孫書	(方苞)	一三一
與戚某書	(程同文)	一一一	與某公書	(方苞)	一三二
與明史可法書	(容親王)	一一二	與翁止園書	(左宗棠)	一三三
擬言風俗書	(管同)	一一三	與譚文卿書	(左宗棠)	一三四
與吳梅村書	(錢牧齋)	一一六	與曾沅浦書	(左宗棠)	一三五
再與吳梅村書	(錢牧齋)	一一六	與劉克庵書	(左宗棠)	一三六
與盧澹巖書	(錢牧齋)	一一七	與吳桐雲書	(左宗棠)	一三六
與周工部書	(錢牧齋)	一一七	與族人書	(朱軾)	一三七
復曾滌生論文書	(戴熙)	一一八	與林穆菴書	(朱仕琇)	一三八
上張尙書論援護朝鮮機宜書	(薛福成)	一一八	答李藩玉書	(朱仕琇)	一四〇
上闔尙書書	(薛福成)	一二一	與沈六如論東湖行述書	(沈彤)	一四一
答友人論禁洋煙書	(薛福成)	一二三	與魏凝叔書	(邱維屏)	一四二
與姪書	(顏伯璠)	一二五	答周芝山同年書	(邵齊燾)	一四四
與閻阜甯書	(韓夢周)	一二六	復何子峨星使書	(李鴻章)	一四四
與友人論學書	(顧炎武)	一二七	與方植之書	(李兆洛)	一四五
與友人門人書	(顧炎武)	一二八	與姚石甫書	(李兆洛)	一四六
與玉山史書	(顧炎武)	一二九	答門人問學書	(李容)	一四七
與三姪書	(顧炎武)	一二九	答湯海秋書	(周天爵)	一四八
與戴耘野書	(顧炎武)	一二九	與董超然書	(吳士模)	一四九
與李中孚書	(顧炎武)	一三〇	與沈開亭書	(吳德旋)	一五〇

歷代名人手札

獻秦昭王書

范雎

臣聞明主蒞政。有聞者不得不賞。有能者不得不官。勞大者其祿厚。功多者其爵尊。能治衆者其官大。故無能者不敢當職焉。有能者亦不得蔽隱。使以臣之言爲可。願行而益利其道。以臣之言爲不可。久留臣無爲也。語曰。庸主賞所愛而罰所惡。明主則不然。賞必加於有功。而刑必斷於有罪。今臣之胸不足以當樞質。而要不足以待斧鉞。豈敢以疑事嘗試於王哉。雖以臣爲賤人而輕辱。獨不重任臣者之無反復於王邪。且臣聞周有砥砮。宋有結綠。梁有縣藜。楚有和璞。此四寶者。土之所生。良工之所失也。爲天下名器。然則聖王之所棄者。獨不足以厚國家乎。臣聞善厚家者。取之於國。善厚國者。取之於諸侯。天下有明主。則諸侯不得擅厚者。何也。爲其割榮也。良醫知病人之死生。而聖主明於成敗之事。利則行之。害則舍之。疑則少嘗之。雖舜禹復生。弗能改也。語之至者。臣不敢載之於書。其淺者又不足聽也。意者臣愚而不概於王心邪。亡其言臣者賤而不可用乎。自非然者。臣願得少賜游觀之間。望見顏色。一語無效。請伏斧質。

告范子輕幣書

鄭子產

子爲晉國。四鄰諸侯。不聞令德。而聞重幣。僑也惑之。僑聞君子長國家者。非無賄之患。而無令名之難。夫諸侯之賄。聚於公室。則諸侯貳。若吾子賴之。則晉國貳。諸侯貳。則晉國壞。晉國貳。則子之家壞。何沒沒

也。將焉用賄。

夫令名。德之興也。德國家之基也。有基無壞。無亦是務乎。有德則樂。樂則能久。詩云。樂只君子。邦家之基。有令德也。夫上帝臨女。無貳爾心。有令名也。夫恕思以明德。則令名載而行之。是以遠至邇安。毋甯使人謂子子實生我。而謂子浚我以生乎。象有齒。以焚其身。賄也。

論盛孝章書

孔融

歲月不居。時節如流。五十之年。忽焉已至。公爲始滿。融又過二。海內知識。零落殆盡。惟有會稽盛孝章尙存。其人困於孫氏。妻孥湮沒。單子獨立。孤危愁苦。若使憂能傷人。此子不得永年矣。春秋傳曰。諸侯有相滅亡者。桓公不能救。則桓公恥之。今孝章實丈夫之雄也。天下談士。依於揚聲。而身不免於幽繫。命不期於旦夕。吾祖不當復論損益之友。而朱穆所以絕交也。公誠能馳一介之使。加咫尺之書。則孝章可致。友道可弘矣。今之少年。喜謗前輩。或能譏評孝章。孝章要爲有天下大名。九牧之人。所共稱歎。燕君市駿馬之骨。非欲以聘道里。乃復以招絕足也。惟公匡復漢室。宗社將絕。又能正之。正之之術。實須得賢。珠玉無脛而自至者。以人好之也。況賢者之有足乎。昭王築臺以尊郭隗。隗雖小才。而逢大遇。竟能發明主之至心。故樂毅自魏往。劇辛自趙往。鄒衍自齊往。向使郭隗倒懸而王不解。臨難而王不拯。則士亦將高翔遠引。莫有北首燕路者矣。凡所稱引。自公所知。而復有云者。欲公崇篤斯義。因表不悉。

爲曹公與孫權書

阮瑀

離絕以來。於今三年。無一日而忘前好。亦猶姻媾之義。恩情已深。違異之恨。中間尙淺也。孤懷此心。君豈同哉。每覽古今所由改趣。因緣侵辱。或起瑕釁。心忿意危。用成大變。若韓信傷心於失楚。彭寵積望於無異。盧綰嫌畏於已隙。英布憂迫於情漏。此事之緣也。孤與將軍。恩如骨肉。割授江南。不屬本州。豈若淮陰捐舊之恨。抑遏劉馥。相厚益隆。甯放朱浮顯露之奏。無匿張勝賁故之變。匪有陰構賁赫之告。固非燕王淮南之釁也。而忍絕王命。明棄碩交。實爲佞人所構會也。夫似是之言。莫不動聽。因形設象。易爲變觀。示之以禍難。激之以恥辱。大丈夫雄心。能無憤發。昔蘇秦說韓。羞以牛後。韓王按劍作色而怒。雖兵折地割。猶不爲悔。人之情也。仁君年壯氣盛。緒信所嬖。既懼患至。兼懷忿恨。不能復遠度。孤心近慮。事勢遂齎。見薄之決計。乘翻然之成議。加劉備相扇揚。事結釁連。推而行之。想暢本心。不願於此也。孤以薄德。位高任重。幸蒙國朝將泰之運。蕩平天下。懷集異類。喜得全功。長享其福。而姻親坐離。厚援生隙。常恐海內多以相責。以爲老夫包藏禍心。陰有鄭武取胡之詐。乃使仁君翻然自絕。以是忿患懷慚。反側常思。除棄小事。更申前好。二族俱榮。流祚後嗣。以明雅素中誠之效。抱懷數年。未得散意。昔赤壁之役。遭離疫氣。燒船自還。以避惡地。非周瑜水軍所能抑挫也。江陵之守。物盡穀殫。無所復據。徙民還師。又非瑜之所能敗也。荆土本非己分。我盡與君。冀取其餘。非相侵肌膚。有所割損也。思計此變。無傷於孤。何必自遂於此。不復還之。高帝設爵。以延田橫。光武指河而誓朱鮪。君之負累。豈如二子。是以至情。願聞德音。往年在譙。新造舟船。取足自載。以至九江。貴欲觀湖巢之形。定江濱之民耳。非有深入攻戰之計。將忍議者大爲己榮。自謂策得。長無西患。重以此故。未肯迴情。然智者之慮。慮於未形。達者所規。規於未兆。是故子胥知姑蘇之有麋鹿。輔果識智伯之爲趙禽。穆生謝病。以免楚難。鄒陽北遊。不同吳禍。此四士者。豈聖人哉。徒通變思深。以微知著耳。以君之明。觀孤術數。量君所

據相計土地。豈勢少力乏。不能遠舉。割江之表。晏安而已哉。甚未然也。若恃水戰。臨江塞要。欲令王師終不得渡。亦未必也。夫水戰千里。情巧萬端。越爲三軍。吳曾不禦。漢潛夏陽。魏豹不意。江河雖廣。其長難衛也。凡事有宜。不得盡言。將修前好。而張形勢。更無以威脅重敵人。然有所恐。恐書無益。何則。往者軍逼而自引還。今日在遠。而興慰納。辭遜意狹。謂其力盡。適以增驕。不足相動。但明效古。當自圖之耳。昔淮南信左吳之策。隗囂納王元之言。彭寵受親吏之計。三夫不寤。終爲世笑。梁王不受詭勝。資融斥逐張元。二賢既覺。福亦隨之。願君少留意焉。若能內取子布。外擊劉備。以效赤心。用復前好。則江表之任。長以相付。高位重爵。坦然可觀。上令聖朝無東顧之勞。下令百姓保安全之禮。君享其榮。孤受其利。豈不快哉。若忽至誠。以處僥倖。婉彼二人。不忍加罪。所謂小人之仁。大賊之忠。大雅之人。不肯爲此也。若憐子布。願言俱存。亦能傾心去恨。順君之情。更與從事。取其後善。但禽劉備。亦足爲效。開設二者。審處一焉。聞荆揚諸將。並得降者。皆言交州爲君所執。豫章距命。不承執事。疫旱並行。人兵損減。各求進軍。其言云云。孤聞此言。未以爲悅。然道路既遠。降者難信。幸人之災。君子不爲。且又百姓國家之有。加懷區區。樂欲崇和。庶幾明德。來見昭副。不勞而定。於孤益貴。是故按兵守次。遣書致意。古者兵交。使在其中。願仁君及孤。虛心回意。以應詩人補袞之歎。而慎周易牽復之義。濯鱗清流。飛翼天衢。良時在茲。勸之而已。

答蘇武書

李陵

子卿足下。勤宣令德。策名清時。榮問休暢。幸甚幸甚。遠託異國。昔人所悲。望風懷想。能不依依。昔者不遺。遠辱還答。慰誨勲勳。有踰骨肉。陵雖不敏。能不愧然。自從初降。以至今日。身之窮困。獨坐愁苦。終日無親。但

見異類。韋幘。以禦風雨。羶肉醢漿。以充飢渴。舉目言笑。誰與爲歡。胡地玄冰。邊土慘裂。但聞悲風蕭條之聲。涼秋九月。塞外草衰。夜不能寐。側耳遠聽。胡笳互動。牧馬悲鳴。吟嘯成羣。邊聲四起。晨坐聽之。不覺淚下。嗟乎子卿。陵獨何心。能不悲哉。與子別後。益復無聊。上念老母。臨年被戮。妻子無辜。並爲鯨鯢。身負國恩。爲世所悲。子歸受榮。我留受辱。命也如何。身出禮義之鄉。而入無知之俗。違棄君親之恩。長爲蠻夷之城。傷已。令先君之嗣。更成戎狄之族。又自悲矣。功大罪小。不蒙明察。孤負陵心。區區之意。每一念至。忽然忘生。陵不難刺心。以自明。刎頸以見志。顧國家於我已矣。殺身無益。適足增羞。故每攘臂忍辱。輒復苟活。左右之人。見陵如此。以爲不入耳之歡。來相勸勉。異方之樂。祇令人悲。增恨。但耳。嗟乎子卿。人之相知。貴相知心。前書倉卒。未盡所懷。故復略而言之。昔先帝授陵步卒五千。出征絕域。五將失道。陵獨遇戰。而裹萬里之糧。帥徒步之師。出天漢之外。入強胡之域。以五千之衆。對十萬之軍。策疲乏之兵。當新羈之馬。然猶斬將搃旗。追奔逐北。滅跡掃塵。斬其梟帥。使三軍之士。視死如歸。陵也不才。希當大任。意謂此時。功難堪矣。匈奴既敗。舉國興師。更練精兵。強踰十萬。單于臨陣。親自合圍。客主之形。既不相如。步馬之勢。又甚懸絕。疲兵再戰。一以當千。然猶扶乘創痛。決命爭首。死傷積野。餘不滿百。而皆扶病。不任干戈。然陵振臂一呼。創病皆起。舉刀指虜。胡馬奔走。兵盡矢窮。人無尺鐵。猶復徒手奮呼。爭爲先登。當此時也。天地爲陵震怒。戰士爲陵飲血。單于謂陵不可復得。便欲引還。而賊臣教之。遂使復戰。故陵不免耳。昔高皇帝以三十萬衆。困於平城。當此之時。猛將如雲。謀臣如雨。然猶七日不食。僅乃得免。況當陵者。豈易爲力哉。而執事者云云。苟怨陵以不死。然陵不死。罪也。子卿視陵。豈偷生之士。而惜死之人哉。甯有背君親。捐妻子。而反爲利者乎。然陵不死。有所爲也。故欲如前書之言。報恩於國主耳。誠以虛死。不如立節。滅名不如報德也。昔范蠡不殉會稽之恥。曹沫不死三

敗不辱。卒復勾踐之讎。報魯國之差。區區之心。竊慕此耳。何圖志未立而怨已成。計未從而骨肉受刑。此陵之所以仰天椎心而泣血也。足下又云。漢與功臣不薄。子爲漢臣。安得不云爾乎。昔蕭樊囚繫。韓彭荊醢。黜錯受戮。周魏見辜。其餘佐命立功之士。賈誼亞夫之徒。皆信命世之才。抱將相之具。而受小人之讒。並受禍敗之辱。卒使懷才受謗。能不得展。彼二子之遐舉。誰不爲之痛心哉。陵先將軍功略蓋天地。義勇冠三軍。徒失貴臣之意。劉身絕域之表。此功臣義士所以負戟而長歎者也。何謂不薄哉。且足下昔以單車之使。適萬里之虜。遭時不遇。至於伏劍不顧。流離辛苦。幾死朔北之野。丁年奉使。皓首而歸。老母終堂。生妻去帷。此天下所希聞。古今所未有也。蠻貊之人。尙猶嘉子之節。況爲天下之主乎。陵謂足下當享茅土之薦。受千乘之賞。聞子之歸。賜不過二百萬。位不過典屬國。無尺土之封。加子之勤。而妨功害能之臣。盡爲萬戶侯。親戚貪佞之類。悉爲廊廟宰。子尙如此。陵復何望哉。且漢厚誅陵以不死。薄賞子以守節。欲使遠聽之臣。望風馳命。此實難矣。所以每顧而不悔者也。陵雖孤恩。漢亦負德。昔人有言。雖忠不烈。視死如歸。陵誠能安。而主豈復能眷眷乎。男兒生以不成名。死則葬蠻夷中。誰復能屈身稽顙。還向北闕。使刀筆之吏。弄其文墨邪。願足下勿復望陵。嗟乎子卿。夫復何言。相去萬里。人絕路殊。生爲別世之人。死爲異域之鬼。長與足下生死辭矣。幸謝故人。勉事聖君。足下胤子無恙。勿以爲念。努力自愛。時因北風。復惠德音。李陵頓首。

爲曹洪與魏文帝書

陳琳

十一月五日。洪白。前初破賊。情得意奢。說事頗過其實。得九月二十日書。讀之喜笑。把玩無厭。亦欲令陳琳作報。琳頃多事。不能得爲。念欲遠以爲懽。故自竭老夫之思。辭多不可一一。粗舉大綱。以當談笑。漢中地

形。實有險固。四嶽三塗。皆不及也。彼有精甲數萬。臨高守要。一人揮戟。萬夫不得進。而我軍過之。若駭鯨之決細網。奔兕之觸魯縞。未足以喻其易。雖云王者之師。有征無戰。不義而強。古人常有。故唐虞之世。蠻夷猾夏。周宣之盛。亦讎大邦。詩書歎載。言其難也。斯皆憑阻恃遠。故使其然。是以察茲地勢。謂爲中才處之。殆難倉卒。來命陳彼妖惑之罪。敍王師曠蕩之德。豈不信然。是夏殷所以喪。苗扈所以斃。我之所以克。彼之所以敗也。不然。商周何以不敵哉。昔鬼方虍昧。崇虎讒凶。殷辛暴虐。三者皆下科也。然高宗有三年之征。文王有退修之軍。孟津有再駕之役。然後殪戎勝殷。有此武功。焉有星流景集。飄奪電擊。長驅山河。朝至暮捷。若今者也。由此觀之。彼固不逮下愚。則中才之守。不然明矣。在中才則謂不然。而來示乃以爲彼之惡稔。雖有孫田墨。猶無所救。竊又疑焉。何者。古之用兵。敵國雖亂。尙有賢人。則不伐也。是故三仁未去。武王還師。宮奇在虞。晉不加戎。季梁猶在。強楚挫謀。暨至衆賢奔紬。三國爲墟。明其無道。有人猶可救也。且夫墨子之守。縈帶爲垣。高不可登。折箸爲械。堅不可入。若乃距陽平。據石門。據八陣之列。騁奔牛之權。焉肯士崩魚爛哉。設令守無巧拙。皆可攀附。則公輸已陵宋城。樂毅已拔卽墨矣。墨翟之術。何稱田單之智。何貴老夫不敏。未之前聞。蓋聞過河西者。效王豹之謳。遊睢渙者。學藻續之綵。間自入益部。仰司馬揚子遺風。有子勝斐然之志。故頗奮文辭。異於他日。怪乃輕其家丘。謂爲倩人。是何言歟。夫綠驥垂耳於林垌。鴻雀戢翼於汗池。褻之者固以爲園囿之凡鳥。外廐之下乘也。及整蘭筋。揮勁翮。陵厲清浮。顧盼千里。豈可謂其借翰於晨風。假足於六駿哉。恐猶未信。丘言必大矜也。洪白。

誠兄子嚴敦書

馬援

吾欲汝曹聞人過失。如聞父母之名。耳可得聞。口不可得言也。好議論人長短。忘是非正法。此吾所大惡也。甯死不願聞子孫有此行也。汝曹知吾惡之甚矣。所以復言者。施衿結縵。申父母之戒。欲使汝曹不忘之耳。龍伯高敦厚周慎。口無擇言。謙約節儉。廉公有威。吾愛之重之。願汝曹效之。杜季良豪俠好義。憂人之憂。樂人之樂。清濁無所失。父喪致客。數郡畢至。吾愛之重之。不願汝曹效也。效伯高不得。猶爲謹敕之士。所謂刻鵠不成。尙類鶩者也。效季良不得。陷爲天下輕薄子。所謂畫虎不成。反類狗者也。訖今季良尙未可知。郡將下軍。輒切齒。州郡以爲言。吾常爲寒心。是以不願子孫效也。

與王芬書

魏武帝

夫廢立之事。天下之至不祥也。古人有權成敗計輕重而行之者。伊尹霍光是也。伊尹懷至忠之誠。據宰臣之勢。處官司之上。故進退廢置。計從事立。及至霍光。受託國之任。藉宗臣之位。內因太后秉政之重。外有羣卿同欲之勢。昌邑卽位日淺。未有貴寵。朝乏讜臣。議出密近。故計行如轉圜。事成如摧朽。今諸君徒見曩者之易。未視當今之難。諸君自度。結衆連黨。何若七國。合肥之貴。孰若吳楚。而造作非常。欲望必克。不亦危乎。

與楊德祖書

曹植

植白。數日不見。思子爲勞。想同之也。僕少小好爲文章。迄至於今。二十有五年矣。然今世作者。可略而言也。昔仲宣獨步於漢南。孔璋鷹揚於河朔。偉長擅名於青土。公幹振藻於海隅。德璉發跡於北魏。足下高視